

## ISIINE 8N DOOMMIYA SAAMINTTAA

Mazamure 43nne Woosaa

### □ Gubaa'iyaa Geeshsha Maxaafaa Xinaatiyaa:

fy shem. 8 ¶1-7 (30 daq.)

### □ Ti'okiraase Haggazo Timirtte Keettaa:

**Geeshsha Maxaafaa nibaabee:** Oosuwa 15-17 (10 daq.)

**Paydo 1:** Oosuwa 16:16-34 (4 daq. woy sima)

**Paydo 2:** Kiristtaaneti Yedetay Gakkishin Ufayttana Danddayiyoy Aybissee?—Maa. 5:11, 12 (5 daq.)

**Paydo 3:** Kiitettida PHauloosi Kiristtaaneti Godaara Gayttanau SHaaran "Pude SHiiqana" Giido Wode Ay Qonccissiiddi De'ii?—rs sinttaa 311 ¶3—sinttaa 312 ¶1 (5 daq.)

### □ Haggazo SHiiquwaa:

Mazamure 28

**10 daq:** Mishiraachuwa Sabakiyo Ogeta—Tumaa Eranau Koyiyaageeta Yihoowa Dirijjitiyaara Erissiyooqaa. *Gigettidaageeta* maxaafaa sinttaa 99, mentto 2ppe sinttaa 100, mentto 1 gakkanaashin tobbiyooqaa. Ezgiyaageeti bantta xinaateta Yihoowa dirijjitiyaara erissanau *Yihoowa SHeniya* giya brooshuriyaa waati go'ettidaakko yootanaadan shoobba.

**10 daq:** Yihoowa Paaccite; I Palahissidi Immiyo Anjuwaa Demmite (Mil. 3:10) Naa"u woy heezu aqinyeta oycha. Aqinye gididi oottiyooqan eta keehi ufayssiyaabay aybee? Aqinyetettay eta ayyaanaaban waati maaddidee? Eti bantta de'uwan demmido keehi ufayssiyaabaa yootanaadan oycha. Aassiyaageeti Masqqala aginan aqinye gidana qoppaanaadan minttettiyoogan kuuya.

**10 daq:** "Hananabaa Yootidaageetu Leemisuwaa Kaallite—Yuu'eela." Oyshaanne zaaruwaa.

Mazamure 54nne Woosaa

## Hananabaa Yootidaageetu Leemisuwaa Kaallite—Yuu'eela

<sup>1</sup> Hananabaa yootiya Yuu'eeli oonee? I babaa yootidobay "Putu7eela na7aa" gidiyooqaa xalla. (Yuu. 1:1) Ashkke gidida Yuu'eeli baassi imettida

1. Nuuni haggaziyo wode Yuu'eelaagaadan ashkke gidana danddayiyoy ayba ogiyaanee?

maataa gidennan, Yihoowa kiitaa minttidi yootiis. Hegaadan, nuunikka haggaziyo wode asay Yihoowanne Geeshsha Maxaafaa bonchanaadan kooyosippe attin, nuna bonchanaadan woy sabbaanaadan koyokko. (1 Qor. 9:16; 2 Qor. 3:5) Qassi, nuuni yootiyo kiitay nuna minttettees. Ha wodiyan nuuni mishetti oottanaadan, qassi hidootay de'iyooqaa gidanaadan maaddiya, Yuu'eela hiraagan de'iya qofay awugee?

<sup>2</sup> "GODAA Gallassai Matees." (Yuu. 1:15): Ha qaalay xaafettoosappe sha'an qoodettiya layttay aadhidaba gidikkokka, nuuni ha qaalay wurssetta wodiya polettiyo wodiyan de'oo. Alamiyaa hanotay iiti iiti biyooqenne haggazuwan nuuni haasayissiyo asay siyanau koyennaagaa, qassi qilliicciyaagaa gidiyooqee nuuni ha iita alamiyau wurssetta gallassan de'iyooqaa bessees. (2 Xim. 3:1-5; 2 PHe. 3:3, 4) Nuuni wurssettay keehippe matattidoogaa wotti dentti qoppiyo wode, nu de'uwan haggazuwaa kaseyana koshshiyooqaa akeekoos.—2 PHe. 3:11, 12.

<sup>3</sup> Yihooway 'Ba Asaassi Baqati Attiyo Soho Gidana.' (Yuu. 3:16): Ha xiqisiyan odettida kokkorssay, daro waayiyaa wode Yihooway pirddiyo pirddaa qonccissiyaaba gidana. He wode Yihooway ammanettida ba ashkarata ashshiyooqaa eriyooqee nuna minttettiyaaba. (Ajj. 7:9, 14) Nuuni haggaziyo wode Yihooway nuussi koshshiyaabaa kunttiyooqanne nuussi wolqqaa immiyooqaa be'iyoo wode, nu ammanoy minnees qassi gencciyaageeta gidoos; hegee daro waayiyaa wode nuna maaddes.

<sup>4</sup> Issoti issoti Yuu'eela hiraagay hidootaa qanxanaadan oottiyaaba giikkokka, he hiraagay Xoossaa asay bashshaappe attiyo ufayssiya hidootaa yootees. (Yuu. 2:32) Yaatiyo gishshau, Yuu7eela 2:23y, "ufaittite; GODAN, intte Xoossan, hashshu giite!" yaagiyoogaadan, sinttaa wodiya ammanettidi naagiyaageeta, qassi Xoossaa Kawotetta mishiraachuwa mishettidi sabbakiyaageeta gidoos.

2. Yihoowa gallassay matattidoogee nuuni ay oottanaadan denttetti?

3. Haggaziyoogee nuuni daro waayiyau matattiyo wode keehippe koshshiyoy aybissee?

4. Nuuni ufayttiyaageetanee sintta wodiya ammanettidi naagiyaageeta gidana danddayiyoy aybissee?

## ISIINE 15N DOOMMIYA SAAMINTTAA

Mazamure 48nne Woosaa

### □ **Gubaa'iyaa Geeshsha Maxaafaa**

#### **Xinaatiyaa:**

fy shem. 8 ¶18-13 (30 daq.)

### □ **Ti'okiraase Haggaa Timirtte**

#### **Keettaa:**

**Geeshsha Maxaafaa nibaabee:** Oosuwaa 18-21 (10 daq.)

**Paydo 1:** Oosuwaa 20:17-38 (4 daq. woy sima)

**Paydo 2:** Kiristtoosi Ayfiyan Beettiiddi SHaaraara Yiidi, Ammanettida Kiristtaaneta Alamiyaa Asay Xeellishin Saluwaa Efaanee? —rs sinttaa 312 ¶2—sinttaa 313 ¶1 (5 daq.)

**Paydo 3:** Nuuni Ayyaanaabaa Qoppiyoogaa Waati Bessana Danddayiyo?—Roo. 8:6 (5 daq.)

### □ **Haggaa SHiiquwaa:**

Mazamure 47

**10 daq: Intte Tamaaretu Wozanaa Denttete.** (Luq. 24:32) Kaallidi de'ia oyshata tob-biyoojaa: (1) Geeshsha Maxaafaa xanna'is-siyo wode, ha allaalleta loytti qonccissana koshshiyoy aybissee? (a) Yihoowa siiquwaan-ne a aadhida erattetaa, (b) Geeshsha Maxaafay yootiyoobaa oosuwan peeshshiyoojaa go"aa, (c) issibaa kuuyanaappe kase ubba-too Yihoowa kaaletuwaa koyiyoogaa go"a. (2) Kaallidi de'ia oyshata intte xinaatiyaa oy-chiyoojee a wozanaa denttettanau inttena waati maaddii? (a) Hagee bessiyaaba gaada qoppay? (b) Hagee Xoossay siiqo gidiyoo-gaara maayettiyaaba gaada qoppay? (c) Ha zoriyaa oosuwan peeshshiyooogan ayba go"a demmay?

**20 daq: "Yelaga Ishatoo, Baaxetiiddi De'eetii?"** Oyshaanne zaaruwaa. Gubaa'iyau oottanau yelagattetan baaxetida, issi cimaa woy gubaa'iyau oottiya issi ishaa qantta oy-shaa oysha. Gubaa'iyau oottiyaagaa gidanaappe kase au imettida oosoy aybee, qassi ay loohisso demmidee? Gubaa'iyau de'ia harati i ayyaanaaban diccanaadan waati maaddidonaa? I baaxetido gishshau ayba anjjo demmidee?

Mazamure 26nne Woosaa

## Yelaga Ishatoo, Baaxetiiddi De'eetii?

<sup>1</sup> "Ooninne . . . koyikko ["baaxetikko," NW], lo77obaa amottiis." (1 Xim. 3:1) Ayyaanaa kaaletuwan xaafettida ha qofay ishantti gubaa'iyau oottiyo maatau baaxetanaadan minttettees. Neeni hegaadan oot-tanau gastta asa gidana bessii? Neeni yelagattetan de'io wode hegau baaxetiyoogaa doommiyoogee keehi lo'o. Hegaadan oottiyoogan loohana danddayaasa; qassi gitatiyo wode gubaa'iyau oottiyaagaa gidada sunttetana danddayiyoogaa besaasa. (1 Xim. 3:10) Neeni xammaqettida yelaga isha gidikko, baaxetana danddayiyooy ayba ogiyyanee?

<sup>2</sup> **Go"aa Aggiyoogaa:** Neeni maatassi gidannan, lo'o *oosuwau* baaxetaydda de'iyoo-gaa hassaya. Yaatiyo gishshau, ishanttan-ne michontta ufayttada maaddiyaagaa gida. Hegaadan oottiyo issi ogee Yesuusa lo'o leemisuwaa wotti dentti qoppiyoogaa. (Maa. 20:28; Yoh. 4:6, 7; 13:4, 5) Neeni haratussi qoppiyaagaa gidanau maaddanaadan Yihoowakko woosaa. (1 Qor. 10:24) Gubaa'iyau de'ia cima asaa woy abbee paccidoogeeta maaddana danddayay? Kawotettaa Addaraashaa gibbiyan mokkiya sharafaa shoddiyoogaa woy addaraashaa giigissiyoo-gaa malabaa ne dosan oottay? Ti'okiraase Haggaa Timirtte Keettan kifiliyaa shiish-

1. Issi yelaga ishay 1 Ximootiyoosa 3:1n de'ia zoriyaa oosuwan peeshshiyoojaa doommana koshshiyoy awudee?
2. Issi asi ba go"aa aggibayanau koyiyoogaa bessiyoy ayba ogiyyanee, qassi hegaa oosuwan peeshshana danddayiyooy ayba ogiyyanee?

**Daro ooratta asay  
xammaqettiiddi de'io gishshau,  
gubaa'iyau aawatettan oottana  
danddayiyya ayyaanaaban  
kaymida attuma asay koshshees**

shiya asi attiyoo wode shiishshanau giiget-tay? Harata maaddanau ne go"aa aggabai-yoogee neeni ufayttanaadan oottees.—Oos. 20:35.

<sup>3</sup> **Ayyaanaaban Minniyoogaa:** Gubaa'iyaa oottiya urappe keehi koyettiyaabay erancha woy qara gidiyooгаа gidennan, ayyaanaaban mino gidiyooгаа. Ayyaanaaban mino asi Yihoowaynne Yesuusi xeelliyoo ogiyan ubbabaa xeellanau baaxetees. (1 Qor. 2:15, 16) I 'ayyaanaa ayfiyaa' ayfees. (Gal. 5:22, 23) Qassi ba de'uwan Kawotettaabaa kaseyiya, mishettidi haggaaziya asa. (Maa. 6:33) Neeni aggennan buzo xinaatiyaa xanna'iyooгаа ayyaanaa ayfiyaa ayfana danddayaasa. Hegeee Geeshsha Maxaafaa ubba gallassi nabbaiyoogaa, *Wochiyo Kee-laanne Beegottite!* maxeeteta ubbaa nabbaiyoogaa, qassi gubaa'e shiiquwau giigettiyoogaanne shiiqiyoogaa gujjees. (Maz. 1:1, 2; Ibr. 10:24, 25) Yelaga Ximootiyoosi ayyaanaaban diccanaadan PHauloosi minttettido wode, "Ne timirttiyaa naaga" yaa-gidi xaafiis. (1 Xim. 4:15, 16) Yaatiyo gishshau, Ti'okiraase Haggaaazo Timirte Keettan neeyyo kifilee imettiyo wode loytta giiget-ta. Haggaazuwau loytta giiget-ta, qassi ubba-too haggaaza. Aqinye gidiyooгаа, Beeteelen oottiyoogaa woy Machibeenna Ishati Loohiyo Timirte Keettan loohiyoogaa mala ayyaanaabaa halchuwaa kessada, hegau minna ootta. Ayyaanaaban minniyoogee neeni "wodallatetta amuwaappe" baqatanaadan maaddees.—2 Xim. 2:22.

<sup>4</sup> **Ammanettiyaagaa Gidiyoogaa:** Koyro xeetu layttan metootida Kiristaanetuuyo qumaa yezanau sunttettida ishannti "lo77o geetettiyaageeta" woykko ammanettiyaageeta gidiyoo gishshau, kiitettidaageeti he oosoy oosettaneeshsha giidi hirgibookkonna. Hegeee eti keehi koshshiya harabaa oot-tanaadan maaddiis. (Oos. 6:1-4) Yaatiyo gishshau, gubaa'iyaa neessi issi oosoy imettiyo wode, danddayettida keenan minnada ootta. Markkabiya keexxanaadan imettida

3. Ayyaanaaban minniyoogee ay keena koshshiyaabee, qassi minnana danddayiyo ayba ogiyaanee?

4. Ammanettiidaagaa gidiyooгаа go"ay aybee?

kaaletuwaa kaallidi akeekan oottida Nohe leemisuwaa kaalla. (Doo. 6:22) Ammanettiidaagaa gidiyooгаа Yihooway xoqqu oot-tidi xeellees, qassi hegeee ayyaanaaban kayma gidiyooгаа bessees.—1 Qor. 4:2; "Loohissiyoogaa Go"aa" giya saaxiniyaa xeella.

<sup>5</sup> Kasetidi odettidaagaadan Yihooway asaa eesuwan shiishshiiddi de'ees. (Isi. 60:22) Layttan layttan amakaayiyan 250 sha'a gidiyaa asay xammaqettees. Daro ooratta asay xammaqettiiddi de'iyoo gishshau, gubaa'iyaa aawatettan oottana danddayiyo ayyaanaaban kaymida attuma asay koshshees. Ha wodiyan awudeegaappenne aaruwan Yihoowayyo oottiyo darobay de'ees. (1 Qor. 15:58) Yelaga ishatoos, baaxetiiddi de'eetii? Yaatikko, intte tumuppe lo"obaa amotteeta!

5. Yelaga ishatoos baaxetana koshshiyoy aybissee?

## Loohissiyoogaa Go"aa

Gubaa'iyaa cimati etau oosuwaa immiyo wodenne eta loohissiyo wode mino yelaga ishatoos go'ettoosona. Woradaa xomoosiya issi ishatoos shiiqoy wuri simmin madirakiyan uttidi issi ishatoos minttettees. Issi yelaga na'ay ba matan eqqidaagaa be'idi, bana haasayissanau naagiyaakkonne oychiis. He yelaga ishatoos shiiqoy wuri simmin ubba gallassi madirakiyaa pittiyooгаа a ooso gidiyooгаа yootiis. A yelidaageeti baana hanoosona, shin i ba oosuwaa polennan baanau koyibeenna. Woradaa xomoosiya ishatoos ufayttidi he sohuwaappe harasaa shiiqiis. I haggadan giis: "He gubaa'iyaa de'iyaa cimati mino yelaga ishanttussi gubaa'iyaa oosuwaa immiyoogaa eta ubbatoo loohissoosona. Hegaappe dendiddaagan, taani he gubaa'iyaa xomoosiyo wode ubban yelaga ishantti gubaa'iyau oottiyaageeta gididi sunttetanaadan cimati tau qofaa yootoosona."

## ISIINE 22N DOOMMIYA SAAMINTTAA

Mazamure 22nne Woosaa

### □ **Gubaa'iyaa Geeshsha Maxaafaa Xinaatiyaa:**

fy shem. 8 ¶14-20, saaxiniyaa (30 daq.)

### □ **Ti'okiraase Haggaa Timirtte Keettaa:**

**Geeshsha Maxaafaa nibaabee:** Oosuwa 22-25 (10 daq.)

**Paydo 1:** Oosuwa 22:17-30 (4 daq. woy sima)

**Paydo 2:** Nuuni Alamiyan De'iiddi Alamiyaa Bagga Gidennay Ayba Ogiyaanee?—Yoh. 17: 15, 16 (5 daq.)

**Paydo 3:** Kiristaaneti Bantta Ashuwaara Saluwa Baana Danddayoonaa?—rs sinttaa 313 ¶2-3 (5 daq.)

### □ **Haggaa SHiiquwaa:**

Mazamure 41

**10 daq:** Timirtte Keettay Dooyettiyo Wodiyau Intte Naati Gigettidonaa? Tobbiiyoogaa. Yelaga Kiristaaneta timirtte keettan gakkiiya paaciyaappe amaridaagaa yootanaadan ezggiyaageeta oycha. Yelidaageeti so asaa goynuwa wode *Indekssiyyaa, Yelagatu Oyshaa* giya maxaafata, nu Weyb sayttiyaanne heгаа mala harabata go'ettidi, naati timirtte keettan gakkiiya paaciya qettanau giiggatanaadan waati maaddana danddayiiaakko yoota. (1 PHe. 3:15) Issi woy naa"u huuphe yohota doorada, nu xuufiyan de'ia maaddiya qofaappe amaridabaa yoota. Kase tamaariyo wode timirtte keettan waati markkattana danddayidaakko yootanaadan ezggiyaageeta oycha.

**10 daq:** Gubaa'iyau koshshiyaagaadan go'ettite.

**10 daq:** "Lo"o Ayfee Beettiyo Zamachaa." Hospune 2013 *Nu Kawotetta Haggazuwan* de'ia qofaa tobbiiyoogaa.

Mazamure 1nne Woosaa

## Dabaaban Markkattiyo Ooratta Hiillaa

<sup>1</sup> Koyro xeetu layttan de'ida Kiristaaneti oottidobay sooppe soo biidi sabbakiyoogaa xalla gidenna. Eti dabaabankka sabbakidosona. (Oos. 20:21) Leemisuwau, eti daro

1. Koyro xeetu layttan de'ida Kiristaaneti leemiso gidyaabaa ay oottidonaa?

asaa demmanaagaa eridi beeta maqidasiyaa biidosona. (Oos. 5:42) Kiitettida PHauloosi Ateenan de'iyoo wode, giyan demmiyo asau ubba gallassi markkattiis. (Oos. 17:17) Nuuni mishiraachuwa asau yootiyo waanna ogee ha"ikka sooppe soo biidi haggaaziyoogaa. Gidikkokka, nuuni sabbakanau kaamee eqqiyoosaa, zal"e sohuwaanne cora asaa demmiyo heгаа mala hara sohuwaakka boos. Aassiyaageeti ubbay danddayettiyaaba gidikko dabaaban markkattanaadan zoree imettido gishshau, dabaaban markkattiyo naa"u ooratta hiillan daroti haggaazana danddayoosona.

<sup>2</sup> **Asay Dariyo Gita Kataman Dabaaban Markkattiyoogaa:** *Laytta Maxaafaa 2013* sinttaa 16ninne 17n qonccidaagaadan, Niyoorkke Sitin Hidaare 2011n ooratta hiillan dabaaban markkattiyoogee doomettiis. Daro qaalan giigida xuufeta he kataman asay sham"i sham"iyo ogiyan ishantti xarapheezaaninne gaariyan lo"iya ogiyan wottoosona. Yihoowa Markkati gelana danddayenna woy gelanaadan paqqadettenna sohuwan de'ia daroti, qassi darotoo son beettenna asaa gujjin sha'an qooyettiyoogee he ogiyan simerettoosona. Keehi daro asay nu xuufiyaa ufayttidi eekiis. Mata wode issi aginaa xallan 3,797 maxeetiyaanne 7,986 maxaafaa asay eekiis. He ogiyaara aadhiya daroti Geeshsha Maxaafaa xanna'anau oychidosona. Waanna halchoy xinaatiyaa doomissiiyoogaa gidiyo gishshau, xanna'anau koyiyaageeta kaallidi maaddanaadan eti immido ad-rashay sohuwaara eta heeran de'ia gubaa'iyau kiitettiis.

<sup>3</sup> Markkattiyo ha ooratta hiillan lo"o ayfee beettido gishshau, alame yuushuwan asay dariyo hara katamatunkka hegaadan oottanau qofettiis. Hegaadan oottana katamay awugaakko he biittan de'ia macara biirooy kuuyees. Darotoo he katamati daro asay simerettiyo, asaa issisaappe harasaa efi-

2. Hidaare 2011n doommido markkattiyo ooratta hiillay awugee?

3. Markkattiyo ha ooratta hiillay harasan aakkiyoy ayba ogiyaanee?

ya kaame malabay woy cora ooso keettay woy asay de'iyoo pooqeti de'iyooosa. Macara biiroy he sohuwan markkattana gubaa'etus-si dabddaabbiyaa kiittees, qassi gujo kaletuwaa immees. Darotoo hegaadan ootta-naadan kumetta wode aqinyetinne duma aqinyeti doorettoosona; issi issi heeran kaafiya aqinyetikka doorettana danddayoosona.

<sup>4</sup> **Markkattiyo Ogiyaa:** Gita kataman dabaaban markkattiyaageeti darotoo asay eta xarapheezaakko woy gaariyaakko yaana gakkanaashin naagoosona. Issi uri yiyo wode, i koyiyo xuufiyaa ekkanaadan shoobboosona. Ayyo oyshay de'ikko aqinyeti ufayssan Geeshsha Maxaafaappe zaaroosona. I xuufiyaa ekkikko, aqinyeti dosan immiyo miishshaabaa denttokkona. SHin nu oosuwau miishshaa demmiyoy ayba ogiyaanakko i oychikko, xuufiyan de'iya adraashan miishshaa kiittana danddayiyoogaa qonccissoosona. Danddayettikko, “Issi uri ne soo yiidi oyhanaadan koyay?” woy “Nuuni ha xuufiyaa immiyoogaa xalla gidennan, Geeshsha Maxaafaa miishsha qanxxissennan xanna'issiyooogaa eray?” yaagidi oychoosona.

<sup>5</sup> Ha ooratta ogiyan markkattiyoogee keehi ufaysses. Issi azinaynne machiyaa haaganan giidosona: “SHa'an qoodettiya asay galla galla simerettiyaagaa, xuufiyaa xarapheezaa matan eqqidi be'iyooogee alame yuushuwan de'iya asaa demmanau oosettiya gita oosuwau nuuni maalaalettanaadan oottiis. Ha cora asaa be'iyooogee, qassi Yihooway ubba asau qoppiyoogaa hassayiyoogee nu de'uwau haggaaazuwaa kaseyanau murttido murttiyan genccanaadan minttettiis. Xuufiyaa mataara aadhiya asaa ubbaa wozanaa Yihooway qoridi, suure wozanay de'iyooogee koyees giidi qoppoos. Nunaara oottiya kiitanchatuura keehippe matattidabadan qoppoos.”

4. Gita katamatun dabaaban markkattiyoy ayba ogiyaaanee?

5. Ha ooratta hiillan Markkattiyoogee issi azinaanne machiyo ufayssidoy ayba ogiyaaanee?

<sup>6</sup> **Gubaa'ee Giigissin Dabaaban Markkattiyoogaa:** Gita katamatun dabaaban markkattiyoogaa xalla gidennan, daro cimati bantta gubaa'iyaa moottan markkattiyo hara ooratta hiillaa giigissiiddi de'oosona. Ha ooratta hiillan, aassiyaageeti *bantta gubaa'iyaa haggaa moottan* cora asay simerettiyo sohuwan xuufiyaa wottanau

6. (a) Dabaaban markkattanau daro gubaa'etun giigiya hara ooratta hiillay aybee, hegee gita katamatun dabaaban markkattiyoogaappe dummatiyoy ayba ogiyaaanee? (b) Dabaaban markkattiyo wode gubaa'eti maayetti oottana danddayiyoy ayba ogiyaaanee?

## Maayetti Oottiyoogee Koshshiyaaba

SHooro gidida duma duma gubaa'iyaa de'iya aassiyaageeti issi issitoo dabaaban markkattanau issi ogiyaa, asay duma dummabau shiiqiyo issi sohuwaa woy issi zal'e heeraa go'ettiyoogaa akeekida. Duma duma gubaa'iyaa de'iya aassiyaageeti asay taraa naagiyo soho mala issi sohuwan maxeetiyya wottidosona, qassi issi zal'e heeran sabbakidosona. Hegee, aassiyaageeti haggaaziyoy issi mala saatiyaana gidana xayikkokka, zal'anchatinne shooron de'iya asay issi issitoo yiillotanaada oottiis. Yaatiyo gishshau, dabaaban markkattiyoy wode *gubaa'iyau imettida haggaa moottan haggaaziyoogee lo*”o.

Aassiyaageeti shooro gubaa'iyaa moottan dabaaban haggaazanau koyikko, bantta gubaa'iyaa haggaaazuwaa xomosiya ishau yootana koshshees. He ishau ba gubaa'iyaa de'iyaaageeti he moottan sabbakiyoogaa doommanaappe kase, hara gubaa'iyaa haggaaazuwaa xomosiya ishau paqqadanaadan a haasayissana danddayees. Hara qaala go'ettiya gubaa'ee he moottan sabbakiyaaba gidikko, he heeran de'iya asaa yiilloyennaadan haggaaazuwaa xomosiya ishau tobbana koshshees. Maayettidi oottiyoogan ubbay “wogaaninne maaran” oosettana danddayees.—1 Qor. 14:40.



gaare malabaa go'ettoosona. Macara biiroy doorido kataman, asay sham"i sham"iyo issi sohuwan daro gubaa'iyaaappe dooretti-daageeti gita katamatun dabaaban markkattiyooagaappe hegee dummatees.—“Maayetti Oottiyoogee Koshshiyaaba” giya saaxiniyaa xeella.

<sup>7</sup> Gubaa'iyaa moottan daro asay sime-rettiyo soho de'iyaaakonne, qassi yan dabaaban markkattiyoogee lo"o aye demissanaakonne cimati tobboosona. Kaame malabay dariyoosaa, asay dumma dumma shiiqiyoosaa, asay dariyo ogiyaa, zal'e heeraa, hospitaalyyaa, kilinikiyaanne gita pooqee de'iyoo heeraa, xuufiyaa wottiyoo xarapheezaa woy gaare malabaa wottanau doorana danddayettes. Issi sohuwan, gallassanne saatiyaa laammennan xuufiyaa hegaadan giigissiyoogee lo"o. Daro asay simerettiyo ogiyaa mala sohuwan guutta gaare malabaa go'ettiyoogee kehi lo"o gidana danddayees. Hegaadan dabaaban markkattiyoo wode maaddiya, *Wochiyo Keelaanne Beegottite!* maxeetiyyaa, qassi hara

7. Koshshiyaaba gidikko, gubaa'e moottan dabaaban markkattiyooгаа cimati giigissiyoy ayba ogiyaanee?



xuufiyaa bessiyaabay giigiis; heгаа cimati Weyb sayttiyaappe dawunlode oottana danddayoosona. Ha oosuwaа oottiyaageeti gita katamatun dabaaban markkattiyaaageeti oottiyooagaadan oottoosona; qassi haggaa-zuwaa xomoosiya ishay yootiyo kaaletuwaa loytti kaallana koshshees. Hara heeran de'iyaa, siyanau koyiyya uri ba adrashaa etau immikko, etii *Hayyanintta Kaallidi Maaddite* (S-43) yaagiya qitsiyaa sohuwaara kunttidi gubaa'iyaa xaafiyau immana koshshees.

<sup>8</sup> **Haggaaziyo Wode Dabaaban Markkattite:** Issi issi gubaa'etu moottan hegaadan xuufiyaa giigissidi markkattanau asay dariyo soho de'ennan aggana danddayees. Gidikkokka, he gubaa'etun de'iyaa aassiyaaageeti haggaaaziyo wode dabaaban markkattanau qoppaanaan minttettoos. Intte moottan giyay woy zal'e heeray de'ii? Qassi asay allaxxanau woy dumma dumma shiiqiyo soho de'ii? De'iyaaaba gidikko, dabaaban markkattana danddayeeta.

<sup>9</sup> Yihooway “asai ubbai attanaadaaninne tumatettaa eraanaan” koyees. (1 Tim. 2:4) Yaatiyo gishshau, wurssettay yaanaappe kase Kawotettaa mishiraachuwaа nuuyyo danddayettida keenan daro asau yootanau baaxetoos. (Maa. 24:14) Daro heeran son asaa demmana danddayettenna. SHin dabaaban demmiyo wode nuuni etau markkattana danddayoos. Issoti issoti mishiraachuwaа siyana danddayiyoy nuuni dabaaban markkattiyooгаа xallaana gidana danddayees. Yaatiyo gishshau, asaa demmiyo soho ubban markkattiyooгаа nu oosuwaа poliyaageeta gidoos.—2 Xim. 4:5.

8. Dabaaban markkattanau gubaa'ee giigissidobi de'ennaba gidikko, hegaadan markkattana danddayiyo ogeti awugeette?

9. Asaa demmiyo soho ubban markkattanau nuuni akeekancha gidana koshshiyoy aybissee?

## ISIINE 29N DOOMMIYA SAAMINTTAA

Mazamure 51nne Woosaa

### □ **Gubaa'iyaa Geeshsha Maxaafaa Xinaatiyaa:**

fy shem. 8 ¶21-27 (30 daq.)

### □ **Ti'okiraase Haggaa Timirtte Keettaa:**

**Geeshsha Maxaafaa nibaabee:** Oosuwa 26-28 (10 daq.)

**Paydo 1:** Oosuwa 26:19-32 (4 daq. woy sima)

**Paydo 2:** Ammanettida Kiristtaaneti Hayqqennan Qosan Saluwaa Biyoonaa?—rs sinttaa 313 ¶4—sinttaa 314 ¶3 (5 daq.)

**Paydo 3:** Xoossaa Ayyaanay A Ashkkaratu Bolli Qonccio Ogeta—Gal. 5:22, 23; Ajj. 22:17 (5 daq.)

### □ **Haggaa SHiiquwaa:**

Mazamure 44

**10 daq:** **Ubba Wode Haasayiyi Ogiyan Sabba-kite.** *Haggaa Timirtte Keettaa* maxaafaa, sinttaa 128, mentto 1 ppe biidi sinttaa 129, mentto 1 gakkanaashin de'yaagaa haasayan shiishshiyoojaa. Dungguuxiyoojaa aggida issi aassiyaagaa qannta oyshaa oysha. I haggaa ziyo wode kaseegaadan yayyennaadan maaddidabay aybee?

**10 daq:** **Oyshaa Saaxiniyaa.** Cimay tobbiyoojaa.

**10 daq:** **Intte Aawaa Naata Gidiyoogaa Bessite.** (Maa. 5:43-45) *Laytta Maxaafaa 2013* sinttaa 89, mentto 3 ppe biidi sinttaa 90, mentto 1, qassi sinttaa 164, mentto 2 tobbiyoojaa. Ezggiyaageeti ayba timirtte demmidaakko oysha.

Mazamure 19nne Woosaa

## OYSHAA SAAXINIYAA

### ■ **Xammaqettennan aassiya uri xammaqettanaadan paqqadanaappe kase gubaa'e shiiquwaaranne haggaa zaara gayttidaagan appe koyettiyaabay aybee?**

Xammaqettiyoogee issi uri kuuyiyi aybippenne aadhiya kuushsha. Yaatiyo gishshau, issi uri xammaqettanaadan paqqadanaappe kase, Xoossay appe koyiyoojaa i loytti akeekana bessees. Hegaa bollikka, i Xoossay kessido maaraadan de'anau murtidoogaa bessana koshshees.

Kiristtaaneti issippe shiiqiyoojaa aggennaan azazettidosona; yaatiyo gishshau, xammaqettennan aassiya uri gubaa'e shiiquwaa minnidi shiiqana koshshees. (Ibr. 10:24, 25) Qassi gubaa'e shiiquwan ba qofaa yootees. Koyettiyaabatuppe issuwaa gidana xayikkokka, Ti'okiraase Haggaa Timirtte Keettan kifliiyaa shiishshanau mazgabbetana danddayees.

Qassi Kiristtaaneti mishiraachuwa sabakanaadaaninne harata erissiyi ashkkara oottanaadan azazettido gishshau, xammaqettennan haggaa ziya uraykka xammaqettanaappe kase aggennaan haggaa zana koshshees. (Maa. 24:14; 28:19, 20) I xammaqettanaappe kase aappun aginaa haggaa zana koshshii? I aggennan

minnidi aginan aginan mishettidi haggaa ziyoogaa be'anau amarida wodee aadhana koshshees. (Maz. 78:37) Gidikkokka, i aassiyoojaa doommooappe xammaqettana gakkanaashin daro wodee aadhana koshshenna; guutta aginay gidana danddayees. I aappun saatiyaa irpportte oottana koshshii? Hegaa xeelliyaaagan kiyida higgee baawa. Aassiyaageetu ubbaa hanotay duma duma gidiyoojaa cimati akeekana koshshees, qassi bessiyaagaadan qoppana koshshees.—Luq. 21:1-4.

Xammaqettiya uraa oychiya cimati (woylikko guutta cimati de'iyi heeran gubaa'iyaa oottiyaageeti) ubba asaa hanotay duma duma gidiyoojaa hassayana koshshees; qassi i xammaqettana danddayiyaakko danddayennaakko akeekan qoppana koshshees. I Yihoowa Markka gidanau wozanappe koyiyoojaa, qassi Yihoowa dirijjitiyaara hashetiyoogaanne haggaa ziyo maataa nashshiyoojaa cimati erana koyoo-sona. I ayyaanaaban biron gastiibeennaagaa woy xammaqettidi daro wodiya takkidaageetuugaa keena erennaagaa cimati akeekoosona. Cimati i xammaqettana danddayennabadan kuuyikko, heega Geeshsha Maxaafaappe ayyo kehattetan yootanne ayyaanaaban maaddanau zoriyoobaa siyaanaadan a maaddan koshshees.

## NAASE 5N DOOMMIYA SAAMINTTAA

Mazamure 35nne Woosaa

### □ Gubaa'iyaa Geeshsha Maxaafaa Xinaatiyaa:

fy shem. 9 ¶1-8 (30 daq.)

### □ Ti'okiraase Haggaaizo Timirtte

#### Keettaa:

**Geeshsha Maxaafaa nibaabee:** Roome 1-4 (10 daq.)

**Paydo 1:** Roome 3:21–4:8 (4 daq. woy sima)

**Paydo 2:** Tumu Kiristaaneti Banttana Alamiyan “Imattanne Yedettin Asaan De7iyaageeta” Oottidi Xeelliyoy Aybissée?—1 PHe. 2:11; 1 Yoh. 2:15-17 (5 daq.)

**Paydo 3:** Daro Waayiyaa Wode Tumu Kiristaaneti Bashshaappe Attanay Ay Oottiyoogaanee?—rs sinttaa 314 ¶4—sinttaa 315 ¶3 (5 daq.)

### □ Haggaaizo SHiiquwaa:

Mazamure 50

**10 daq:** Naasiyan Maxeetiyyaa Asau Immaanau Maaddiyya Qofaa. Tobbiiyoogaa. Maxeeteti gubaa'iyaa moottan de'iyaa asaa ufaayssana gaada qoppiyo gaasuwwaa 30-60 sokkondde gidдон yoota. Yaadata, *Wochiyo Keelan* sintta huuphe yohota go'ettidi, asaa ufaayssana giidi qoppiyo oyshaanne nabbabiyo xiqisiyaa yootanaadan ezggiiyaageeta shoobba. *Beegottite!* maxeetiyyaa sintta huuphe yohotuura gaytidaagankka hegaadan ootta; wodee de'iyaa gidlikko he maxeetetuppe hara huuphe yohuwaakka hegaadan ootta. Maxeeteta immiyo wode huuphiyan huuphiyan waati imma-naakko bessiya ootti-besuwwaa shiishsha.

**10 daq:** “2013 Awuraaajjaa SHiiquwaa Hassayisuwwaa.” Hospune 2013 *Nu Kawotetta Haggaa-zuwan* de'iyaa qofaa tobbiiyoogaa.

**10 daq:** Ay Timirtte Demmiyoo? Tobbiiyoogaa. Luqaasa 5:27-32 nabbabite. Ha qofay haggaa-zuwan nuna waati maaddana danddayiyaakko tobbite.

Mazamure 13nne Woosaa

## Asaa Haasayissiyoogaa Doommanau Maaddiyya Qofaa

### Aginan Koyro Qeeraa Gallassi Geeshsha Maxaafaa Xinaatiyaa Doomissanau

“Asay Geeshsha Maxaafaa nabbabanaan minttetiiddi de'oos. SHin daro asay Geeshsha Maxaafaa qofay akeekanau metiyaabadan qoppees. Inttekka hegaadan qoppeetii? [Zaaranaashin takki ga.] Ane hagan qonccidabaa be'ite.” Isiine-Masqqala *Wochiyo Keelaa* wurssetta sinttaa haasayissiyo uraa bessada, hegan de'iyaa koyro oyshaanne guuxxiis giishin issi xiqisiyaa tobbite. Maxeeteta au immada, kaallidi de'iyaa oyshaa tobbanau zaarettada yaana gallassaa keera.

YHOOWA KAWOTETTAA ERISSIYA

### WOCHIYO KEELAA Isiine-Masqqala

“Ha xiqisee yootiyoobaa xeelliyaaagan intte qofaa siyanau koyoos. [1 Yohaannisa 4:8 nabbaba.] Daro asay ha qofaa maayees; shin harati, Xoossay meretay gattiyo daafabay gakkanaan oottiyo gishshau, woy hegaa co”u giidi xeelliyoo gishshau, i meqettaa iita giidi qoppoosona. Intte qofay shin aybee? [Zaaranaashin takki ga.] Ha maxeetee, nuuni Xoossaa meqettaa iita gaana koshshennay aybissakko ammanttiya qofaa qonccissees.”

### Beegottite! Naase

“Daro asay danddayettida keenan adussa wodiyya de'anau koyees. Asay saynisiyaa go'ettidi issi gallassi asay merinau de'anaadan oottana giidi qoppeetii? [Zaaranaashin takki ga.] Ha ufaayssiya hidootta akeekite. [1 Qoronttoosa 15:26 nabbaba.] SHin, Xoossay saynisiyaa go'ettidi hegaadan oottaneeyye, harabaa go'ettidi hegaadan oottanee? Qassi nuuni ceeggiyoynne hayqqiyoy aybissée? Geeshsha Maxaafay ha oyshatuyyo yootiyo zaaruwaa ha maxeetee qonccissees.”

## Erissuwwaa

■ Asau immiyo xuufiyaa, **Isiiniiyaaninne Naasiyan:** *Xoossaappe Yiya Mishiraachuwwaa* giyaagaa woykko hara brooshuriyaa. **Masqqalaaninne Xiqimintan:** *Wochiyo Keelaanne Beegottite!* maxeetiyyaa.

■ Isiine 22ninne Naase 5n doommiya saaminttan Hospune 2013 *Nu Kawotetta Haggaa-zuwwaappe* shiiqiya kifillee de'ees; yaatiyo gishshau, ishantti hegaa ekkidi yaanaadan Isiine 15ninne Isiine 29n doommiya saaminttaa Haggaaizo SHiiquwan hassayissite.

### Haggaa-zuwan Oosettidabaappe Ayfettiyaabata

Ichashiyan oosettidabaappe ayfettiyaabata: aassiyaaageetu xoqqaa qooday 9,532; qassi aqinyetu xoqqaa qooday 1,920. Asau immido brooshuriyaa qooday 26,024; hegee lchashé 2005ppe haa simmin de'iyaa wodiyan daro brooshuriyaa immido agina. Hayyanintta he asata zaarettidi oychite; qassi xinaatiyaa doomissanau *Mishiraachuwwaa* giya brooshuriyaa go'ettite.